

第四冊

法相辭典

傅增湘敬題



10296

第四册

法相辭典

傅增湘敬題



察作意，於勝事作意故；猛利功用作意故。

【捷慧】 瑜伽八十三卷五頁云：言捷慧者，速疾了知故。

二解 佛地經論二卷十二頁云：三業清淨，隨智慧行。於佛所說法毗奈耶，速入其義，故名捷慧。

【捷利勝解】 如九種勝解中說。

【牽引因】 瑜伽五卷十頁云：依習氣因依處，施設牽引因。所以者何？由淨不淨業，熏習三界諸行，於愛不愛趣中，牽引愛不愛自體，復即由此增上力故，外物盛衰是故依諸行淨不淨業習氣依處，施設牽引因。

二解 瑜伽三十一卷二頁云：牽引因者，謂於二果，發起愚癡。愚癡爲先，生福非福及不動行，行能攝受後有之識，令生有芽，謂能攝受識種子故，令其展轉攝受後有名色種子，六處種子，觸受種子，爲令當來生支想所攝識名色六處觸受次第生故，今先攝受彼法種子，如是一切，名牽引因。

三解 瑜伽三十八卷九頁云：一切種子，望後自果，名牽引因。無記中云：由彼各別自種子故，種種稼穡差別而生。即說彼種子爲此牽引因。雜染中云：於現法中，無明等法所有已生已長種子，令此種子望於餘生生老死等，爲牽引因。清淨中云：安住種性，補特伽羅，種性具足，能爲上首，證有餘依及無餘依二涅槃界，彼望清淨，爲牽引因。

四解 成唯識論八卷一頁云：三習氣依處，謂內外種未成熟位。即依此處，立牽引因。謂能牽引遠自果故。

【牽引次第】 如緣起次第有四種中說。

【牽引能作】 如能作因二十種中說。

【牽引威勢】 如三種攝受自體諸行威勢中說。

【晝日】 瑜伽二十四卷一頁云：言晝日者，謂從日出時，至日沒時。

【晝夜】 如時之分齊中說。

【終】 瑜伽八十四卷十一頁云：終者，臨死時故。

二解 如死差別中說。

【終歿所作變異】 瑜伽三十四卷七頁云：云何觀察內事終歿所作變異無常之性，謂由觀見今時存活，安住支持，復於餘時，觀見死歿，唯有尸骸，空無心識。見是事已，便作是念：如是諸行，其性無常，餘如前說。

【族姓具足】 如菩薩八種異熟中說。

【族姓具足因】 如菩薩八種異熟因中說。

【族姓具足果】 如菩薩八種異熟果中說。

【被損隨眠】 如隨眠轉相有十八種中說。

【被甲精進】 無性釋七卷十二頁云：被甲精進，謂最初時自勵我當作如是事。即是解釋契經所說初有勢句。

【捺落迦趣】 大毗婆沙論一百七十二卷四頁云：云何捺落迦趣？諸那落迦一類伴侶衆同分依得事得處得，及已生那落迦無覆無記色受想行識是名捺落迦趣。此中一類伴侶衆同分言，顯彼衆同分依得事得處得言，顯彼界蘊處得及已生那落迦無覆無記色受想行識，顯彼自體是異熟，非餘問，何故彼趣名捺落迦？答是那落迦所趣處，故是中有那落迦故名捺落迦。彼諸有情，無悅無愛，無味無利，無喜樂故名那落迦。或有說者，由彼先時造作增長上暴惡身語意惡行，往彼生彼，令彼生相續故名捺落迦。有說捺落迦者是假名，假想名施設，施設一切名想隨欲而立，不必如義，有說彼趣以卑下故名捺落迦。謂五趣中無有卑下如彼趣者，有說彼趣以顛墮故名捺落迦。如有頌言：顛墮於地獄，足上頭歸下。由毀謗諸仙，樂寂修苦行，有說捺落迦名，迦名爲惡，惡人生彼處，故名捺落迦。有說捺落迦名可樂捺，是不義，彼處不可樂，故名捺落迦。有說捺落迦名喜樂捺，是壞義，彼處壞喜樂，故名捺落迦。有說捺落迦名歸趣捺，是無義，彼處有情，重苦所逼，無歸趣，故名捺落迦。有說捺落迦名救濟捺，是無義，彼處有情，衆苦所逼，無救濟者，故名捺落迦。如彼廣說。

二解 品類足論七卷七頁云：捺落迦趣云何？謂捺落迦諸有情類同性同類同衆同分依得事得處得，生彼有情無覆無記色受想行識是名捺落迦。

【專注一趣】 如九種心住中說。

二解 雜集論十卷十頁云：專注一趣者，精勤加行，無間無缺，相續安住勝三摩地故。

【淫欲受用】 瑜伽五卷五頁云：復次淫欲受用者，諸那落迦中所有有情，皆無淫事。所以者何？由彼有情，長時無間，多受種種極猛利苦。由此因緣，彼諸有情，若男於女不起女欲，若女於男不起男欲。何況展轉二二交會？若鬼，旁生人中，所有依身，苦樂相雜，故有淫欲。男女展轉，二二交會，不淨流出，欲界諸天，雖有此欲，無此

不淨。然於根門，有風氣出，煩惱便息。四大王衆天，三十三天，亦爾。時分天，唯互相抱，熱惱便息。知足天，唯相執手，熱惱便息。樂化天，相顧而笑，熱惱便息。他化自在天，眼相顧視，熱惱便息。又三洲人，攝受妻妾，施設嫁娶，北拘盧洲，無我所故，無攝受故，一切有情，無攝受妻妾，亦無嫁娶。如三洲人，如是大力鬼及欲界諸天，亦爾。唯除樂化天，及他化自在天。

【疎肩伏面】 如言屈中說。

【莫呼洛迦】 無性釋十卷十一頁云：莫呼洛迦者，此攝大蟒。

【荷恩意樂】 攝論二卷二十六頁云：又諸菩薩，以其六種波羅蜜多，饒益有情；見彼於己有大恩德，不見自身於彼有恩，是名菩薩荷恩意樂。

彼於己有大恩德，不見自身於彼有恩，是名菩薩荷恩意樂。二解 無性釋七卷十頁云：荷恩意樂者，謂深信解諸來求者，是善友故。此即信彼諸來求者，施已可愛妙果，異於是故荷恩。

【眷屬圓滿】 如無量天龍人非人等常所翼從中說。

【振牙穿堵波】 西域記七卷三頁云：池側不遠，有穿堵波，是如來修菩薩行時，爲六牙象王，獵人剝其牙也。詐服袈裟，彎弧伺捕，象王爲敬袈裟，遂振牙而授焉。

【蛇藥僧伽藍】 西域記三卷三頁云：代鵠西北二百餘里，入珊尼羅門川，至薩真殺地（唐言蛇藥）。僧伽藍有穿堵波，高八十餘尺，是如來昔爲帝釋時，遭饑饉，殺地（唐言蛇藥）。僧伽藍有穿堵波，高八十餘尺，是如來昔爲帝釋時，遭饑饉，

疾疫流行，醫藥無功，道殣相屬。帝釋悲愍，思所救濟，乃變其形爲大蟒，屍屍川谷空中，中偏告聞者，感慶相率奔赴，隨刺隨生，療飢療疾。其側不遠，有蘇摩大穿堵波，是如來昔爲帝釋時，世疾疫，愍諸含識，自變其身爲蘇摩蛇，凡有啖食，莫不康豫。珊尼羅闍川北石崖邊，有穿堵波，病者至求多蒙除瘥。如來在昔爲孔雀王，與其羣而至此熱渴所逼，求水不獲，孔雀王以紫喙，崖涌泉流注，今遂爲池。飲沐愈疾，石上猶有孔雀趾迹。

【鹿救溺穿堵波】 西域記六卷十七頁云：維救火側，不遠有穿堵波，是如來修菩薩行時，爲鹿殺生之處，乃往古昔，此有大林，火炎中野，飛走窮窘，前有駛流之阨，後困猛火之難，莫不沈溺，喪棄身命。其鹿側隱，身據橫流，穿皮斷骨，自強拯溺，蹇免後至，忍疲苦而濟之，筋力既竭，溺水而死。諸天收骸，起穿堵波（駛騰作獸今正）。

【陶鍊生金三種】 瑜伽十三卷十頁云：謂陶鍊生金，略有三種：一、除垢陶鍊，二、攝受陶鍊，三、調柔陶鍊。除垢陶鍊者，謂從金性中，漸漸除去蠱中細垢，乃至唯有淨

金沙在攝受陶鍊者，謂即於彼，鄭重銷煮，調柔陶鍊者，謂銷煮已，更細鍊治，瑕隙等穢。

【聖薩梨咀邏國】 西域記四卷十七頁云：聖薩梨咀邏國，周三千餘里。國大都城，周十七里。依據險固，宜穀麥，多林泉，氣序和暢，風俗淳實。翫道篇學，多才博識。伽藍十餘所，僧徒千餘人。習學小乘正量部法。天祠九所，異道三百餘人。事自在天，塗灰之侶也。城外龍池，側有穿堵波，無憂王之所建也。是如來在昔爲龍王七日於此說法。其側有四小穿堵波，是過去四佛世及經行遺迹之所。自此南行二百六十里，渡疏伽河，西南至毗羅摩國（中印度境）。

【逝多林給孤獨園】 西域記六卷二頁云：城南五六里有逝多林（唐言勝林。舊曰祇陀，諺也）。是給孤獨園。勝王大臣善施爲佛建精舍，昔爲伽藍，今已荒廢。東門左右，各建石柱，高七十餘尺，左柱鑲相於其端，右柱刻牛形於其上。並無憂王之所建也。室宇傾圯，惟餘故基。獨一軀室，巋然獨存。中有佛像，昔者如來昇三十三天爲母說法之後，勝王王開出愛王刻檀像佛，乃造此像。善施長者，仁而聰敏，積而能散，拯乏濟貧，哀孤恤老，時美其德，號給孤獨焉。聞佛功德，深生尊敬，願建精舍，請佛降臨。世尊命舍利子隨瞻揆焉。惟太子逝多園地爽垲，尋詣太子，具以情告。太子戲言：金過乃賣，善施聞之心豁如也。即出藏金，隨言布地。有少未滿，太子請留。曰：佛誠良田，宜植善種，即於空地建立精舍。世尊即告阿難曰：園地善施所買，林樹逝多所施，二人同心，式崇功業。自今已去，應謂此地爲逝多樹給孤獨園。

【陳那菩薩因明論】 西域記十卷十六頁云：所行羅滿伽藍西南，行二十餘里，至孤山，山嶺有石穿堵波。陳那（唐言童授）菩薩，於此作因明論。陳那菩薩者，佛去世後，承風染衣，智願廣大，慧力深固。愍世無依，思弘聖教，以爲因明之論，言深理廣，學者虛功，難以成業。乃匿迹幽巖，棲神寂定，觀述作之利害，審文義之繁約。是時星谷震響，煙雲變采，山神捧菩薩，高數百尺，唱如是言：昔佛世尊，善權導物，以慈悲心，說因明論，綜括妙理，深究微言，如來寂滅，大義泯絕。今者陳那菩薩，福智悠遠，深達聖旨，因明之論，重弘茲日。菩薩乃放大光明，照燭幽昧。時此國王，深生尊敬，見此光明，疑入金剛定，因請菩薩證無生果。陳那曰：吾入定觀察，欲釋深經，心期正覺，非願無生果也。王曰：無生之果，衆聖攸仰，斷三界欲，洞三明智，斯盛事也。願疾證之。陳那是時心悅王請，乃欲證受無學聖果，時妙吉祥菩薩，知

而惜焉。欲相警誡，乃彈指悟之，而告曰：惜哉！如何捨廣大心，爲狹劣志。從獨善之懷，棄兼濟之願。欲爲善利，當廣傳說慈氏菩薩所製瑜伽師地論，導誘後學，爲利甚大。陳那菩薩，敬受指誨，奉以周旋。於是覃思沈研，廣因明論，猶恐學者懼其文微詞約也，乃舉其大義，綜其微言，作因明論，以導後進。自茲以後，宣暢瑜伽盛業，從此林野中南行千餘里，至跋那羯磔迦國（亦大安達邏國南印度境）。

【耽】 瑜伽十一卷十三頁云：脫者，謂解脫所緣相故。【掃】 掃不淨言論諸惡尋思。【不樂爲】 乃至少分不正言論。居遠離處，不起少分諸惡尋思。或時失念，暫爾現行，尋便發起猛利悔愧，深見其過，數數悔愧，深見過故，雖復暫起不正言論，諸惡尋思，而能速疾安住正念，於彼獲得無復作心。由此因緣，則能拘檢，習拘檢故，漸能如昔於彼現行深生喜樂，於今安住彼不現行，喜樂亦爾，又能達逆，令不現起。

【梁棟】 瑜伽八十三卷二十頁云：梁棟者，謂彼依因，即解脫俱行無常想之依因也。【船筏】 瑜伽八十三卷十一卷云：船筏者，謂依對治，誓能運彼癡狂失道，令渡相違障礙法故。

【閉尸】 如胎藏八位中說。【研求】 瑜伽八十九卷八頁云：現行遮逼，有所乞匄，故名研求。【條幹】 瑜伽九十五卷十頁云：又即此愛上至有頂，高標出故，說名條幹。【推尋】 瑜伽八十三卷十一頁云：推尋者，謂取彼諸相故。又云：推尋者，謂尋求心。【紹師】 瑜伽八十三卷一頁云：紹師，即是第一弟子，如彼尊者舍利子等。又云：紹師，即是傳聖教者。時時教授教誡轉教，當知即是傳說者。

【唱令家】 瑜伽十六卷二十三頁云：唱令家者，謂屠羊等。由徧宣告此屠羊等，成極重罪，多造惡業，殺害羊等故。

【問病苦】 如二種慰問中說。【問安樂】 如二種慰問中說。

十一畫

【無】 瑜伽九十七卷十一頁云：從其前際，於現法中，有死滅苦，說名爲無。【無常】 瑜伽五十六卷二頁云：問：依何分位，建立無常？此復幾種？答：依生已壞滅分位，建立無常。此復三種：謂壞滅無常，轉變無常，別離無常。

二解 瑜伽八十三卷十五頁云：言無常者，顯現生身，及與剎那，皆展轉故。剎那展轉者，由彼彼觸起盡故，彼彼受起盡。此相續見，由非不現見，非緣他智故。三解 瑜伽八十三卷二十二頁云：言無常者，謂性破壞朽敗法故。

四解 瑜伽八十七卷二十五頁云：於諸行中，已滅壞故，滅壞法故，說名無常。五解 顯揚一卷十五頁云：無常者，謂諸行自相相生後滅壞性。

六解 雜集論二卷三頁云：無常者，謂於衆同分諸行相續變壞性，假立無常。相續變壞者，謂捨壽時，當知此中，依相續位，建立生等，不依剎那。七解 五蘊論六頁云：云何無常？謂如是諸行，相續謝滅爲性。

八解 廣五蘊論十四頁云：云何無常？謂彼諸行，相續謝滅爲性。九解 大毗婆沙論三十八卷十七頁云：云何無常？答：諸行散壞破沒亡退，是謂無常。此中文句，雖有多種義，亦無別，皆共顯了無常義故。問：云何無常散壞諸行？答：非如散壞穀豆等物，但令諸行，無復作用，故名散壞。謂一剎那，作所作已，第二剎那，不復能作。

十解 品類足論一卷七頁云：無常云何？謂令已生諸行滅壞。【無慚】 瑜伽八十九卷七頁云：於所作罪，望已不羞故名無慚。

二解 顯揚一卷八頁云：無慚者，謂於自及法二種增上，不恥過惡爲體。能障慚爲業，乃至增長無慚爲業。如經說：不慚所慚，無慚生起，惡不善法，乃至廣說。三解 成唯識論六卷十七頁云：云何無慚？不顧自法，輕拒賢善爲性。能障慚，慚生惡行爲業，謂於自法無所顧者，輕拒賢善，不恥過惡，障慚生，長諸惡行故。

四解 集論一卷九頁云：何等無慚？謂貪瞋癡分，於諸過惡，不自羞爲體。一切煩惱及隨煩惱，慚助伴爲業。

五解 五蘊論五頁云：云何無慚？謂於所作罪，不自羞恥爲性。六解 廣五蘊論十一頁云：云何無慚？謂所作罪，不自羞恥爲性。一切煩惱及隨煩惱，慚助伴爲業。

七解 法蘊足論八卷八頁云云何無慚謂無慚無所慚無別慚無羞無所羞無別羞無敬無敬性無自在無自在性於自在者無怖畏轉總名無慚。
八解 大毗婆沙論三十四卷十五頁云云何無慚答諸無慚無所慚無異慚無羞無所羞無異羞無敬無敬性無自在無自在性於自在者無怖畏轉是謂無慚如彼廣釋。

九解 集異門論一卷十一頁云無慚云何答如世尊說有無慚者於可慚法而不生慚可慚法者謂諸惡不善法順雜染順後有有熾然苦異熟順當來生老死彼於如是惡不善法生時無慚無所慚無別慚無羞無所羞無別羞無崇敬無隨屬無所隨屬於自在者無怖畏轉是謂無慚。
十解 發智論二卷七頁云云何無慚答諸無慚無所慚無異慚無羞無所羞無異羞無敬無敬性無自在無自在性於自在者無怖畏轉是謂無慚。

十一解 界身足論上五頁云無慚云何謂無慚無所慚無別慚無羞無所羞無別羞無敬無所敬無別敬無自在無自在性於自在者無怖畏轉是謂無慚。
【無愧】 瑜伽八十九卷七頁云於所作罪望他不恥故名無愧。

二解 顯揚一卷八頁云無愧者謂於世增上不恥過惡爲體能障愧爲業乃至增長無愧爲業如經說不愧所愧無愧生起惡不善法乃至廣說。

三解 成唯識論六卷十七頁云云何無愧不顧世間崇重惡惡爲性能障礙愧生長惡行爲業謂於世間無所顧者崇重惡惡不恥過罪障愧生長諸惡行故。
四解 集論一卷九頁云何等無愧謂貪瞋癡分於諸過惡不差他爲體一切煩惱及隨煩惱助伴爲業。

五解 五蘊論五頁云云何無愧謂於所作罪不差恥他爲性。
六解 廣五蘊論十一頁云云何無愧謂所作罪不差他爲性業如無慚說。

七解 法蘊足論八卷八頁云云何無愧謂無愧無所愧無別愧無恥無所恥無別恥於諸罪中不怖不畏不見怖畏總名無愧。
八解 大毗婆沙論三十四卷十六頁云云何無愧答諸無愧無所愧無異愧無恥無所恥無異恥於諸罪中不怖不畏不見怖畏是謂無愧如彼廣釋。

九解 集異門論一卷十一頁云無愧云何答如世尊說有無愧者於可愧法而不生愧可愧法者謂諸惡不善法乃至順當來生老死彼於如是惡不善法生時

無愧無所愧無別愧無恥無所恥無別恥於諸罪中不怖不畏是謂無愧。
十解 界身足論上五頁云無愧云何謂無愧無所愧無別愧無恥無所恥無別恥於罪不怖性於罪不畏性於諸罪中不見怖畏是名無愧。
十一解 發智論二卷七頁云云何無愧答諸無愧無所愧無異愧無恥無所恥無異恥於諸罪中不怖不畏不見怖畏是謂無愧。

【無明】 瑜伽八卷三頁云無明者謂由親近不善丈夫聞非正法不如理作意故及由任運失念故於所知事若分別不分別染汙無知爲體。

二解 瑜伽五十八卷四頁云無明者謂於所知真實覺悟能障心所爲性此略四種一無解愚二放逸愚三染汙愚四不染汙愚若於不見聞覺知所知義中所有無智名無解愚若於見聞覺知所知義中散亂失念所有無智名放逸愚於顛倒心所有無智名染汙愚不顛倒心所有無智名不染汙愚又此無明總有二種一煩惱相應無明二獨行無明非無思疑而起諸惑是故貪等餘惑相應所有無明名煩惱相應無明若無貪等諸煩惱雖但於苦等諸諸境中由不如理作意力故鈍慧士夫補特伽羅諸不如實簡擇覆障纏裹闇昧等心所性名獨行無明。

三解 瑜伽八十四卷二十頁云無明者於所知事不能善巧於彼彼處不正了知謂於彼彼所說義中及於名句文身不能解了。

四解 顯揚一卷六頁云無明者謂不正了真實爲體或是俱生或分別起能障正了爲業如前乃至增長無明爲業如經說諸有愚癡者無明所伏蔽。
五解 雜集論一卷十三頁云無明者謂三界無智爲體於諸法中邪決定疑難染生起所依爲業邪決定者謂顛倒智疑者猶豫難染生起者謂貪等煩惱現行彼所依者謂由愚癡起諸煩惱。

六解 五蘊論四頁云云何無明謂於業果及諸實中無智爲性此復二種所謂俱生分別所起又欲繼貪瞋及欲繼無明名三不善根謂貪不善根瞋不善根疑不善根。

七解 廣五蘊論八頁云云何無明謂於業果諸實無智爲性此有二種一者俱生二者分別又欲界貪瞋及以無明爲三不善根謂貪不善根瞋不善根疑不善根此復俱生不俱生分別所起俱生者謂禽獸等不俱生者謂貪相應等分別者謂諸見相應與虛妄決定疑煩惱所依爲業。

斷貪障爲業如前乃至增長無貪爲業如經說無貪善根

顯此自性。如以忍樂表信自體；理必應爾。以貪瞋癡六識相應，正煩惱攝起惡勝。

故；立不善根。斷彼必由通別對治。通唯善慧，別即三根。由此無礙，必應別有三解。維集論一卷十二頁云：無礙者，由報教證智決擇爲體，惡行不轉所依爲業，慚等易了，故不再釋。報教證智者，謂生得聞思修所生慧。如次應知。決擇者，謂慧勇動俱。

四解 五蘊論三頁云：云何爲礙？謂礙對治；以其如實正行爲性。

五解 廣五蘊論六頁云：云何無礙？謂礙對治如實正行爲性。如實者，略謂四聖諦廣謂十二緣起於彼加行，是正知義。業亦如無貪說。

【無時】 瑜伽八十四卷二頁云：無時者，出三世故。

【無義】 瑜伽八十四卷十四頁云：能引苦故，說名無義。

【無果】 瑜伽八十四卷二十一頁云：無果者，不能得彼善趣果故。

【無比】 如方廣中說。

【無悔】 瑜伽八十三卷八頁云：言無悔者，謂正遠離染汙不樂憂感事故。

【無我】 瑜伽八十三卷十五頁云：言無我者，遠離我故，衆緣生故，不自在故。

【無願】 顯揚二卷十七頁云：無願亦有二種。一、所知二智所知者，謂由無知故，顛倒所起諸行相貌。智者，謂緣彼境，伏惡了知。

【無垢】 如如來功德六相中說。

【無等】 如如來功德六相中說。

【無起】 集論五卷十五頁云：何故此滅復名無起？永離此後漸生起故。

【無造】 集論五卷十五頁云：何故此滅復名無造？永離前際諸業煩惱勢力所引故。

【無作】 集論五卷十五頁云：何故此滅復名無作？不作現在諸業煩惱所依處故。

【無出】 大毗婆沙論十六卷六頁云：無出者，無士用果復次出者，謂得彼於佛法，無所得故，說名無出。

【無味】 大毗婆沙論十六卷六頁云：無味者，彼於佛法，無出家味，無寂靜味，無聖道味，無寂滅味，故名無味。

【無合】 因明入正理論云：無合者，謂於是處，無有配合。但於瓶等，雙現能立所立二法，如言於瓶見所作性，及無常性，如疏八卷四頁釋。

【無喻】 集異門論十卷七頁云：無喻者，謂所說語，無譬喻。

【無釋】 集異門論十卷七頁云：無釋者，謂所說語，無解釋。

【無法】 集異門論七卷七頁云：無法者，謂所說語，越素恒續，及毗奈耶，阿毗達磨，是名無法。

【無過】 集異門論十卷九頁云：無過者，謂所發語，無曲穢濁，亦不剛強，是名無過。

【無依】 集異門論十卷十頁云：無依者，謂所發語，不希名利，是名無依。

【無影】 瑜伽七十卷十頁云：一切受，并相續，滅故名爲無影，名爲寂滅。

【無動】 瑜伽八十三卷二十一頁云：無動者，謂一切相，皆遠離故。

【無對】 維集論三卷七頁云：云何無對？幾是無對？爲何義故，觀無對耶？謂有對相達，是無對義。一切皆是無對。或隨所應，爲捨執著，偏行我故，觀察無對。

【無轉】 瑜伽八十三卷二十一頁云：無轉者，謂貪愛盡故，於諸境界，無轉變故。

【無色】 維集論三卷六頁云：云何無色？幾是無色？爲何義故，觀無色耶？謂有色相達，是無色義。一切皆是無色。或隨所應，爲捨執著，無色我故，觀察無色。一切是無色者，謂於無色相繫屬故。

【無怨】 如四無量中說。

【無敵】 如四無量中說。

【無難】 瑜伽八十四卷三頁云：無難者，無難亂故，有繫屬故。

【無希】 瑜伽十七卷十一頁云：云何無希？希，希望繫心有在。彼不擊鼻，內懷貪願，往趣居家，謂利帝利大宗葉家，或婆羅門長者，居士大宗葉家。我當從彼獲得上妙應所啖食，乃至財寶衣服，諸諸臥具，病緣醫藥，供身什物。如是追求，及與受用，於此財物，都無希望。又彼恆常安住死想，謂過夜分，入晝分中，復過晝分，還入夜分，於此中間，我有無量應死因緣。如經廣說，所謂發風，乃至非人之所恐怖。由此因緣，所爲追求，所爲受用，所有財物，於此壽命，亦無希望。

【無障】 瑜伽二十五卷十頁云：云何無障？謂此無障，略有二種。一者，依內，二者，依外。我當先說依內外障與彼相違，當知即是二種無障。

【無縛】 顯揚三卷十四頁云：無縛者，謂彼無學阿羅漢果。

【無染】 集論二卷四頁云：云何無染？幾是無染？爲何義故，觀無染耶？謂有染相達，是無染義。乃至無淨有爾所量，無染亦爾。爲捨執著，離染我故，觀察無染。

【無說】 此勝論師義，唯識述記五卷七頁云：無說有五。一、未生無，二、已滅無，三、更互無，四、不會無，五、畢竟無。又云：無說體者，初未生無，以實德業因緣，不會而未得生之無爲體。二、已滅無，以實德業或因勢盡，或遠緣生離生而壞之無爲體。三、更

互無。以實德等，彼此互無。爲其體性。四、不會無。以大有性及實德等，隨於是處不
和而合，如彼處人，不於此合，無爲體性。五、畢竟無。以無因故，三時不生，無爲體性。
此五既無，體不可說，名無說也。

【無知】 瑜伽八十四卷二十頁云：無知者：於不現見。

【無想】 如有想中說。

【無欲】 瑜伽八十五卷十頁云：於無欲界，所有飲食，皆遠離，故名爲無欲。

【無違】 瑜伽九十九卷二十一頁云：遠離貪等所有煩惱，名曰無違。

二解 世親釋一卷十頁云：言無違者，謂諸地中無障礙，因如隨導師所說道中，
無劫賊等所有障礙。或復生死涅槃二種，互不相違。又云：言無違者，非先隨順後
相違故。

三解 無性釋一卷八頁云：言無違者，無彼過故。非如六句義等邪智，或聲聞乘，
有過失，故佛果相違。

【無犯】 瑜伽六十八卷九頁云：云何無犯？略有四種：一、初業，二、顛狂，三、心亂，四、苦
受所逼。

二解 瑜伽九十九卷八頁云：云何無犯？謂五因緣，令無所犯。何等爲五？謂於根
門，密護而住；飲食知量；初夜後夜，常不睡眠，勤修勝行，正知而住。如是名爲第一
因緣。又於沙門，起其上品精勤，願戀於其大師，諸有智者，同梵行所，起其上品愛
樂恭敬；於現行罪，發起猛利增上慚愧；如是名爲第二因緣。又少財物，少事業，
不多息務，如是名爲第三因緣。又住喜足，於犯不犯，能善了知，不與世俗交遊縱
蕩，專修善品，曾無間隙。如是名爲第四因緣。又初修業，癡狂心亂，痛惱所逼。如是
名爲第五因緣。當知由此五因緣，故從初不犯。

【無爲】 如八種無爲中說。

二解 集論二卷五頁云：云何無爲？幾是無爲？爲何義故？觀無爲耶？謂有爲相違，
是無爲義。法界法處一分是無爲，爲捨執著常住我故，觀察無爲。

三解 成唯識論二卷三頁云：諸無爲法，離色心等決定實有，理不可得。且定有
法，略有三種：一、現所所知法，如色心等；二、現受用法，如瓶衣等。如是二法，世共知
有，不待因成；三、有作用法，如眼耳等。由彼彼用，證知是有。無爲非世共知定有；又
無作用，如眼耳等，設有作用，應是無常。故不可執無爲定有。然諸無爲，所知性故，
或色心等所顯性故，如色心等，不應執爲離色心等實無爲性。又虛空等，爲一爲

多？若體是一，偏一切處；虛空容受色等法故；隨能合法，體應成多。一所合處，餘不
合故；不爾，諸法應互相偏。若謂虛空不與法合，應非容受，如餘無爲。又色等中有
虛空，不有應相離，無應不偏。一部一品結法，斷時應得餘部餘品擇滅。一法緣闕
得不生時，應於一切得非擇滅。執彼體一，理應爾故。若體是多，便有品類，應如色
等，非實無爲。虛空又應非偏容受。餘部所執離心心所，實有無爲，準前應破。又諸
無爲，許無因果，應如兔角，非異心等有。然契經說有虛空等諸無爲法，略有二
種：一、依識變假施設，有謂曾聞說虛空等名，隨分別有虛空等相。數習力故，心等
生時，以虛空等無爲爲相現。此所現相，前後相似，無有變易，假說爲常。二、依法性假
施設，有謂空無我所顯真如，有無俱非，心言路絕，與一切非法一異等。是法真理，
故名法性。離諸障礙，故名虛空。由前擇力，滅諸雜染，究立證會，故名擇滅。不由擇
力，本性清淨，或緣闕所顯，故名非擇滅。苦樂受滅，故名不動。想受不行，名想受滅。
此五皆依真如假立。真如亦是假施設名。遮撥爲無，故說爲有。遮執爲有，故說爲
空。勿謂虛幻，故說爲實。理非妄倒，故名真如。不同餘宗離色心等有實常法，名曰
真如。故諸無爲，非定實有。

四解 雜集論八卷十五頁云：何故此滅，復名無爲？離三相故。生滅住異，三有爲
相，究竟相違，故名無爲。

五解 五蘊論七頁云：云何無爲？謂虛空無爲，非擇滅無爲，及真如等。云何虛空？
謂若容受諸色。云何非擇滅？謂若滅，非離繫。此復云何？謂離煩惱對治，而諸蘊畢
竟不生。云何擇滅？謂若滅，是離繫。此復云何？謂由煩惱對治，故諸蘊畢竟不生。云
何真如？謂諸法性，法無我性。

六解 廣五蘊論十五頁云：云何無爲？謂虛空無爲，非擇滅無爲，擇滅無爲，及真
如等。虛空者，謂容受諸色。非擇滅者，謂若滅，非離繫。云何非離繫？謂離煩惱對治，
諸蘊畢竟不生。云何擇滅？謂若滅，是離繫。云何離繫？謂煩惱對治，諸蘊畢竟不生。
云何真如？謂諸法性，法無我性。

【無見】 瑜伽八十四卷二十頁云：無見者：於現見現前。

二解 雜集論三卷七頁云：云何無見？幾是無見？爲何義故？觀無見耶？謂有見相
違，是無見義。一切皆是無見。或隨所應，爲捨執著非眼境，我故觀察無見。

【無畏】 瑜伽十五卷十六頁云：無畏者：謂如有一處在多眾，雜眾大眾，執眾，諦眾，
善眾等中，其心無有下劣憂懼，身無戰汗，面無怖色，音無驚吃，語無怯弱，如是說

者，名為無畏。

二解 如四無畏中說。

【無記】 瑜伽五十六卷六頁云：問：何義幾種？是無記？答：彼善不善俱相違義一切一分是無。

二解

顯揚五卷十七頁云：問：何義幾種？是無記？答：彼俱相違義故。一切少分是無記。

三解 成唯識論五卷十一頁云：於善不善損益義中，不可記別。故名無記。

四解 集論二卷十頁云：云何無記？幾是無記？為何義故？觀無記耶？謂自性故，相屬故，隨逐故，發起故，勝義故，生得故，加行故，現前供養故，饒益故，受用故，引攝故，對治故，寂靜故，等流故，是無記義。八界八處全及餘諸界處一分是無記。為捨執著難法，非法我故，觀察無記。何等自性無記？謂八色界處意相應品命根衆同分名句文身等。何等相屬無記？謂懷非淨心者，所有由名句文身所攝受心心所法。何等隨逐無記？謂即彼戲論習氣。何等發起無記？謂彼所攝受諸心心所法所發身業語業。何等勝義無記？謂虛空，非擇滅。何等生得無記？謂諸不善有漏善法，異熟。何等加行無記？謂非染非善心者，所有威儀路工巧處法。何等現前供養無記？謂如有一，想對歸依隨一天衆，遠離殺害意邪惡見，建立祠廟，興供養業，令無量衆，於如是處不生長福非福。何等饒益無記？謂如有一，於自僕使妻子等所，以非穢非淨心而行惠施。何等受用無記？謂如有一，以無簡擇無染汙心，受用資具。何等引攝無記？謂如有一，於工巧處串習故，於當來世，復引攝如是相身。由此身故，習工巧處，速疾究竟。何等對治無記？謂如有一，為治疾病，得安樂故，以簡擇心，好服醫藥。何等寂靜無記？謂色無色界諸煩惱等，由奢摩他所藏伏故。何等等流無記？謂變化心俱生品。

【無熱】 瑜伽八十三卷八頁云：言無熱者：謂正遠離自苦邊故。

二解 瑜伽八十四卷二頁云：無熱者：離煩惱故。

三解 法蘊足論二卷九頁云：言無熱者：謂八支聖道，名為無熱。所以者何？熱，謂煩惱八支聖道中，一切煩惱，無得無近得，無有無等有。故佛正法，名為無熱。

【無惱】 瑜伽十七卷十頁云：云何無惱？謂彼如是現追求時，若他自施，或勸餘施，施時殷重，非不殷重，精而非麤，多而非少，速而非緩，然不愛味。於所得物，無染受用，不生耽著，乃至堅著。如是受用命資具時，不為貪惱之所燒惱。若彼施主，自不

能施，或障餘施，設有所施，現不殷重，不現殷重，乃至遲緩而不急速，然不嫌恨。由此因緣，不生悲惱。又於受用所得物時，不感不念，無損害心，及瞋恚心。如是不為瞋惱所惱。又於所得若精若麤，於受用時，深見過患，善知出離，安住正念，遠離愚癡。如是不為癡惱所惱。

二解 瑜伽八十三卷八頁云：言無惱者：遠離受用欲樂邊故。

三解 瑜伽九十八卷二頁云：應知此中，無惱，無害，是無惱義。

【無罪】 如增上戒學差別中說。

二解 瑜伽八十三卷八頁云：言無罪者：謂能攝受自他利故。

【無斷】 瑜伽五十六卷六頁云：問：何義幾種？是無斷？答：一切染汙永斷對治義，及已斷義。一切一分是無斷。

二解 顯揚五卷十八頁云：問：何義幾種？是無斷？答：究竟對治一切染汙義，及一切染汙永斷義故。一切少分是無斷。

【無生】 瑜伽八十七卷九頁云：於後有，無復更生；說名無生。

二解 集論五卷十五頁云：何故此滅復名無生？離續生故。

【無相】 顯揚二卷十七頁云：無相亦有二種。一、所知二智。所知者：謂即所知空境。由此境相，一切諸相之所不行。智者：謂如前說。

二解 辯中邊論上卷七頁云：由相滅義，說為無相。此中永絕一切相故。

三解 雜集論二卷九頁云：何故復說此名無相？諸相寂靜故。諸相者：謂色受等乃至菩提諸所戲論。真如性中，彼相寂靜，故名無相。

【無漏】 瑜伽八十九卷六頁云：諸色無色二界所繫一切煩惱，唯除無明，說名有漏。

二解 雜集論三卷八頁云：云何無漏？幾是無漏？為何義故？觀無漏耶？謂有漏相遠，是無漏義。五無取蘊全，及三界二處少分，是無漏。為捨執著離漏我故，觀察無漏。

三解 雜集論八卷十五頁云：何故此滅，復名無漏？永離一切煩惱寬故。

【無學】 瑜伽五十六卷六頁云：問：何義幾種？是無學？答：學究竟善義。一切一分是無學。

二解 顯揚五卷十八頁云：問：何義幾種？是無學？答：修學究竟善義故。一切少分

說。此謂了知所治別法。此復難測其相是何。此類法爾應如是說。如餘處言云何爲眼。謂清淨色。眼識所依。無明亦然。唯可辯用。大德法救。說此無明。是諸有情恃我類性。異於我慢。類體是何。經言。我今如是知。如是見。已。諸所有愛。諸所有見。諸所有類性。諸我我所執我。慢執隨眠。斷通知故。無影寂滅。故知類性。異於我慢。寧知類性。即是無明。不可說爲餘煩惱故。

【無明業】 瑜伽六十卷十六頁云。問何等爲無明業。答。於不見義。而生迷惑。是無明業。如是於現見義。劣義。中義。勝義。利益義。不利益義。真義。邪義。因義。果義。而生迷惑。是無明業。又云。又此無明。於五處所。能爲障礙。一。能障礙真智。喜。二。能障礙煩惱滅得。三。能障礙聖道成滿。四。能障礙往於善趣。五。能障礙世間現法諸吉祥事。

【無明法】 瑜伽六十卷十八頁云。問何等名無明法。答。或有由無明故。墮無明趣。說名愚癡。非癡所燒。不爲癡垢。非癡所媚。謂住隨眠無明。或有愚癡。爲癡所燒。不爲癡垢。非癡所媚。謂由纏所攝無明。或有愚癡。爲癡所燒。爲癡所垢。非癡所媚。謂由發業無明。發惡業。已。於此惡行。而生羞恥。或有愚癡。爲癡所燒。爲癡所垢。非癡所媚。謂因無明。發起種種惡不善業。於此惡行。無有羞恥。此中由前三種。說名愚癡。墮無明趣。不名癡人。由後一種。說名癡人。或有闍法無明。謂在欲界。或有味法無明。謂在色界。或有瞿法無明。謂在無色界。

【無明相】 瑜伽六十卷十六頁云。問何等爲無明相。答。貪瞋慢相。是無明相。計我我所相。無慚無愧相。多放逸相。性羸鈍相。饒睡眠相。心愁慙相。種種惡業現行等相。是無明相。

【無明觸】 大毗婆沙論一百四十九卷四頁云。云何無明觸。答。染汙觸。卽一切煩惱隨煩惱相應觸。

二解 品類足論三卷三頁云。無明觸云何。謂染汙觸。

【無明軌】 集異門論八卷四頁云。云何無明軌。答。如世尊說。苾芻當知。有諸愚夫。無聞異生。於六觸處。集沒味患出離。不如實知。彼於六觸處。所有執著。無明無智。隨眠隨增。是名無明軌。

【無明結】 雜集論六卷十七頁云。無明結者。謂三界無智。無明結所繫故。於苦法集法。不能解了。不解了故。廣行不善。不行諸善。由此能招未來世苦。與苦相應。於苦集法。不解了者。謂於果性因性有漏諸行。所有過患。不了知故。

二解 大毗婆沙論五十卷六頁云。云何無明結。謂三界無知。此說爲善。若作是說。緣三界無知。卽應不攝無漏緣無明。

三解 入阿毗達磨論上十頁云。無明結者。謂三界無知。以不解了爲相。如盲瞽者。違害明。故說名無明。此遮止言。依對治義。如非親友。不實等言。卽說怨家虛誑語等。無明卽是結。故名無明結。

四解 品類足論一卷四頁云。無明結云何。謂三界無智。

【無明漏】 瑜伽八十九卷六頁云。若諸有情。或未離欲。或已離欲。除諸外道。所有邪僻分別。愚癡所生惡見。覆蔽其心。依此惡見。於彼諸欲。一分尋求。一分離欲。乃至非想非非想處。於彼三界。所有無智。總攝爲一。立無明漏。

二解 如漏有三種中說。

三解 俱舍論二十卷十四頁云。准此三界十五無明義。至已立爲無明漏。何緣准此別立漏名。無明能爲諸有本故。

四解 品類足論六卷十六頁云。無明漏云何。謂三界無智。

五解 集異門論四卷十三頁云。無明漏云何。答。三界無智。是謂無明漏。

【無明支】 成唯識論八卷八頁云。此中無明。唯取能發正感後世善惡業者。

二解 俱舍論九卷十頁云。於宿生中。諸煩惱位。至今果熟。總謂無明。

三解 大毗婆沙論二十三卷十三頁云。施設論說云。何無明。謂過去一切煩惱。彼不應作是說。若作是說。則捨自相。應作是說云。何無明。謂過去煩惱位。

【無色食】 品類足論三卷三頁云。無色食云何。謂於無色。起食等食。執藏防護。耽著愛樂。是名無色食。

二解 界身足論上四頁云。無色食云何。謂於諸無色。起食等食。執藏防護。愛樂耽著。是名無色食。

【無色愛】 如愛支差別中說。

二解 集異門論四卷十二頁云。無色愛云何。答。於無色中。諸食等食。執藏防護。耽著愛樂。是謂無色愛。復次。於無色界繫三界二處。四蘊諸法中。諸食等食。執藏防護。耽著愛樂。是謂無色愛。復次。如欲色界決定處所。上下差別。不相雜亂。無色界中。無如是事。然可依定。依生勝劣。有上下。謂下從空無邊處。上至非想非非想處。天。於此所攝受想行識諸法中。諸食等食。執藏防護。耽著愛樂。是謂無色愛。

【無色有】 如有支差別中說。

二解 集異門論四卷十五頁云：無色有云何？答：若業，無色界繫取爲緣，欲感當有彼業異熟，是謂無色有。

三解 品類足論六卷十六頁云：無色有云何？謂若業，無色界繫取爲緣，能感當來彼業異熟，是名無色有。

【無色法】 品類足論六卷四頁云：無色法云何？謂一處，一處少分。

【無色繫】 顯揚五卷十七頁云：問何義？幾種？是無色繫。答：已得無色對治，若住彼定，若生於彼，未得上地對治，或得已出三時現行義故。一切少分，是無色繫。已離色界所餘煩惱，及如前所攝義，故是無色繫應知。

【無色界】 瑜伽一百卷十四頁云：無色界者，謂空處等四無色地。

二解 顯揚一卷十六頁云：三、無色界。謂離色欲地，離衆煩惱諸蘊差別。

三解 俱舍論八卷二頁云：無色界中，都無有處。以無色法，無有方所過去未來，無表無色，不住方所，理決然故。但異熟生，差別有四：一空、無邊處、二、識、無邊處、三、無所有處、四、非想非非想處。如是四種，名無色界。此四非由處有上下，但由生故勝劣有殊。復如何知彼無方處？謂於是處得彼定者，命終即於是處生故。復從彼沒，生欲色時，即於是處，中有起故。如有色界一切有情，要依色身，心等相續，於無色界受生有情，以何爲依，心等相續對法諸師，說彼心等，依衆同分，及與根命，而得相續。若爾，有色有情心等，何不但依此二相續？有色界生，此二劣故。無色此二，因何故強？彼界二從勝定生故。由彼等至，能伏色相。若爾，於彼心等相續，但依勝定，何用別依？又今應說，如有色界受生有情，同分命根，依色而轉，無色此二，以何爲依？此二更互相依而轉。有色此二，何不相依？有色界生，此二劣故。無色此二，因何故強？彼界此二種，從勝定生故。前說彼定能伏色想，是則還同心相續難。或心所，唯互相依故。經部師說：無色界心等相續，無別有依。謂若有因未離色愛，引起心等，所引心等，與色俱生，依色而轉。若依於色已得離愛，厭背色故，所引心等，非色俱生，不依色轉。

四解 法蘊足論九卷二十三頁云：云何無色界？謂有諸法，無色食隨增，是名無色界。復次無色界繫三界二處四蘊，是名無色界。復次如欲色界處建立，不相雜亂，非無色界有如是事。然依定生勝劣差別，建立上下，下從空無邊處，上至非想非非想處，於中所有受想行識，是名無色界。又云：云何無色界？謂四無色，是名

無色界。又云：除擇滅非擇滅，餘無色法，是名無色界。

五解 品類足論六卷十六頁云：無色界云何？謂無色食隨增法。又云：無色界云何？謂四無色。

六解 品類足論六卷十六頁云：除擇滅非擇滅，諸餘非色法，總名無色界。

【無想定】 瑜伽三十三卷十五頁云：若諸異生，作如是念：諸想如病，諸想如難，諸想如箭，唯有無想，寂靜微妙。攝受如是，若諸異生，於所生起一切想中，精勤修習，不念作意，由能修習爲因緣，故加行道中，是有心位，入定無間，心不從轉，如是出離想，作意爲先，已離偏淨食，未離離果食，諸心心法滅，是名無想定。由是方便，證得此定。

二解 瑜伽五十三卷十三頁云：復次云何無想定？謂已離偏淨食，未離上食，由出離想作意爲先，故諸心心所，唯滅靜，唯不轉，是名無想定。此是假有非實物，有當知差別，略有三種：一下品修，二、中品修，三、上品修。若下品修者，於現法退，不能速疾還引現前。若生無想有情天中，所得依身，不甚清淨，威光赫奕，形色廣大，如餘天衆。定當中天，若中品修者，雖現法退，然能速疾還引現前。若生無想有情天中，所感依身，雖甚清淨，光明赫奕，形色廣大，然不究竟，最極清淨。雖有中天，而不決定。若上品修者，必無有退。若生無想有情天中，所感依身，甚爲清淨，威光赫奕，形色廣大，又到究竟，最極清淨，必無中天。窮滿壽量，後方殞沒。復次若由此因此緣所有生得心心所滅，是名無想。

三解 瑜伽五十六卷一頁云：依何分位，建立無想定？答：依已離偏淨食，未離上食，出離想作意爲先，名滅分位，建立無想定。此復三種，自性者，唯是善。補特伽羅者在異生相續起者，先於此起，後於色界第四靜慮，當受彼果。

四解 顯揚一卷十四頁云：無想定者，謂已離偏淨欲，未離上地欲，觀想如病，如難如箭，唯無想定，寂靜微妙。由於無想定，起出離想，作意前方便，故不恆現行，心心法滅性。

五解 成唯識論七卷七頁云：無想定者，謂有異生，伏偏淨食，未伏上染，由出離想作意爲先，令不恆行，心心所滅，想滅爲首，立無想名。令身安和，故亦名定。修習此定，品別有三：下品修者，現法必退，不能速疾還引現前。後生彼天，不甚光淨，形色廣大，定當中天。中品修者，現不必退。設退，速疾還引現前。後生彼天，雖甚光淨，形色廣大，而不最極，雖有中天，而不決定。上品修者，現不必退。後生彼天，最極光

淨形色廣大。必無中天。窮滿壽量。後方殞沒。此定唯屬第四靜慮。又唯是善。彼所引故。下上地無。由前說故。四業通三。除順現受。有義。此定唯欲界起。由諸外道說力起故。人中慧解。極猛利故。有義。欲界先修習已。後生色界。能引現前。除無想天。至究竟故。由此厭想。欣彼果入。故唯有漏。非聖所起。

六解 雜集論二卷一頁云。無想定者。謂已離漏淨欲。未離上欲。出離想作意爲先。故於不恆行心心所滅。假立無想定。已離漏淨欲者。已離第三靜慮。未離上欲者。未離第四靜慮。已上貪。出離想作意爲先者。解脫想作意爲前方便。不恆行者。轉識所攝。滅者。謂定心心所引不恆現行諸心心法暫時間滅。所依位差別。以能滅故名滅。

七解 廣五蘊論十三頁云。云何無想定。謂離徧染。未離上染。以出離想作意爲先。所有不恆行心心法滅爲性。

八解 俱舍論五卷三頁云。初無想定。其相云何。頌曰。如是無想定。後靜慮。脫善唯順生受。非聖得一世。論曰。如前所說。有法能令心心所滅。名爲無想。如是復有別法。能令心心所滅。名無想定。無想者。定。名無想定。或定無想。名無想定。說如是聲。唯顯此定滅心心所。與無想同。此在何地。謂後靜慮。即在第四靜慮。非餘。修無想定。爲何所求。謂求解脫。彼執無想。是眞解脫。爲求證彼。修無想定。前說無想。是眞熟。故無記性攝。不說自成。今無想定。一向是善。此是善故。能招無想有情天中五蘊異熟。既是善性。爲順何受。唯順生受。非順現後。及不定受。若起此定。後雖退失。傳說現身必還能起。當生無想有情天中。故此定。必不能入正性離生。又許此定。唯異生得。非諸聖者。以諸聖者。於無想定。如見深坑。不樂入。故要執無想爲眞解脫。起出離想而修此定。一切聖者。不執有漏爲眞解脫。及眞出離。故於此定。必不修行。若諸聖者。修得第四靜慮定時。爲如靜慮。亦得去來無想定。不餘亦不得。所以者何。彼雖曾習。以無心故。要大加行方便修得。故初得時。唯得一世。謂得現在。如初受得別解脫戒。得此定已。第二念等。乃至未捨。亦成過去。以無心故。無未來修。

九解 如大毗婆沙論一百五十一卷十四頁至一百五十二卷四頁廣說。

十解 品類足論一卷七頁云。無想定云何。謂已離徧淨染。未離上染。出離想作意爲先。心心所滅。

十一解 入阿毗達磨論下八頁云。已離第三靜慮染。未離第四靜慮染。第四靜

慮地。心心所滅。有不相應法。名無想定。惟滅一切心心所法而起此定。專爲除想。故名無想。如他心智。此無想定。是善。第四靜慮所攝。惟非聖者相續中起。求解脫想。起此定故。聖者於此。如惡趣想。深心厭離。此惟順定受。謂順次生受。是加行得。非離染得。

【無想事】 品類足論一卷七頁云。無想事云何。謂生無想有情天中。心心所滅。【無想天】 瑜伽五十六卷一頁云。依何分位。建立無想天。答。依已生無想有情天中。名滅分位。建立無想。此亦三門。自性者。無覆無記。補特伽羅者。唯異生性。彼非諸聖者。起者。謂能引發無想定。思。能感彼異熟果。後想生已。是諸有情。便從彼沒。二解 顯揚一卷十四頁云。無想天者。謂先於此間。得無想定。由此後生無想有情天處。不恆現行心心法滅性。

三解 成唯識論七卷七頁云。無想天者。謂修彼定。厭盡想力。生彼天中。違不恆行心及心所。想滅爲首。名無想天。故六轉識。於彼皆斷。有義。彼天常無六識。聖教說。彼無轉識。故說彼唯有有色支。又說。彼爲無心地。故有義。彼天將命終位。要起轉識。然後命終。彼必起下潤生愛。故。瑜伽論說。後想生已。是諸有情。從彼沒。故。然說彼無轉識等者。依長時說。非謂全無。有義。生時。亦有轉識。彼中有必起潤生煩惱。故。如餘本有初。必有轉識。故。瑜伽論說。若生於彼。唯入不起。其想若生。從彼沒。故。彼本有初。若無轉識。如何名入。先有後無。乃名入。故。決擇分言。所有生得。心心所滅。名無想。故此言。意顯彼本有初。有異熟生轉識暫起。宿因緣力。後不復生。由斯引起異熟無記分位差別。說名無想。如善引生二定名善。不爾。轉識一切不行。如何可言唯生得滅。故。彼初位。轉識暫起。彼天唯在第四靜慮。下想飄動。難可斷。故。上無無想異熟處。故。即能引發無想定。思。能感彼天異熟果。故。

四解 廣五蘊論十三頁云。云何無想定。謂無想定所得之果。生彼天已。所有不恆行心心法滅爲性。

五解 俱舍論五卷二頁云。已辯同分。無想者何。頌曰。無想無想中。心心所法滅。異熟居廣果。論曰。若生無想有情天中。有法能令心心所滅。名爲無想。是實有物。能遮未來心心所法。令暫不起。如堰江河。此法一向是異熟果。誰之異熟。謂無想定。無想有情。居在何處。居在廣果。謂廣果天中。有高勝處。如中間靜慮。名無想天。彼爲恆無想。爲亦有想耶。生死位中。多時有想。言無想者。由彼有情。中間長時。想不起。故。如契經說。彼諸有情。由想起故。從彼處沒。然彼有情。如久睡覺。還起於想。

從彼沒已。必生欲界；非餘處所。先修定行，勢力盡故。於彼不能更修定故。如箭射空，力盡便墮。若諸有情，應生彼處，必有欲界順後受業。如應生彼北俱盧洲，必定應有生天之業。

六解 大毗婆沙論一百五十四卷八頁云：問：無想天在何處攝？答：外國師說：第四靜慮，應別有九。此是一處。迦濕彌羅國諸論師言：即廣果天攝。然以高勝寂靜，故別立名。猶如村邊阿練若處，問彼天身量云：何答？五百踰繕那。問彼壽量云：何答？五百劫。問作何等威儀住？有說：結跏趺坐，如沙門釋子。有說：却踞而坐，如婆羅門。如是說者，如先入此定所住威儀，即以此威儀於彼五百劫住。如彼廣說。

【無欲界】一作離欲界。瑜伽八十五卷十頁云：修道所斷諸行，斷故名無欲界。

二解 法蘊足論九卷二十頁云：云何無欲界？謂於欲界，思惟過患，如是欲界，是不善法，是下賤者信解受持。佛及弟子賢貴善士，共所詆厭。能為自害，能為他害，能為俱害。能滅智慧，能礙彼類，能障涅槃。受持此法，不生通慧，不引菩提，不證涅槃。如是思惟發勤精進，乃至勵意不息，是名無欲界。復次為斷欲界，於無欲界，思惟功德，如是無欲界，是善法，是尊勝者信解受持。佛及弟子賢貴善士，共所欣讚，不為自害，不為他害，不為俱害。增長智慧，不礙彼類，不障涅槃。受持此法，能生通慧，能引菩提，能證涅槃。如是思惟發勤精進，乃至勵意不息，是名無欲界。復次思惟欲界，如病如癰，如箭惱害，無常苦空非我，轉動勞倦羸羸，是失壞法。迅速不停，衰損非恆，不可保信，是變壞法。如是思惟發勤精進，是名無欲界。復次為斷欲界，思惟彼滅是滅，是離，思惟彼道是道，是出，如是思惟發勤精進，乃至勵意不息，是名無欲界。復次若思惟捨心定，及道捨心定，相應，并無想定，滅定，擇滅，如是思惟發勤精進，乃至勵意不息，是名無欲界。復次無欲，及無欲相應受想行識，并所發起身業語業，不相應行，總名無欲界。

【無害界】法蘊足論九卷二十一頁云：云何無害界？謂於害界，思惟過患，如是害界，是不善法，乃至不證涅槃。如是思惟發勤精進，乃至勵意不息，是名無害界。復次為斷害界，於無害界，思惟功德，如是不害界，是善法，乃至能證涅槃。如是思惟發勤精進，乃至勵意不息，是名無害界。復次思惟害界，如病如癰，乃至是變壞法，如是思惟發勤精進，是名無害界。復次為斷害界，思惟彼滅是滅，是離，思惟彼道是道，是出，如是思惟發勤精進，乃至勵意不息，是名無害界。復次若思惟悲心定，及道，悲心定相應，如是思惟發勤精進，乃至勵意不息，是名無害界。復次無害，及

無害相應受想行識，并所等起身業語業，不相應行，總名無害界。

二解 品類足論六卷十五頁云：無害界云何？謂不害及不害相應受想行識，若彼等起身語業，若彼等起心，不相應行，是名無害界。

【無害尋】集異門論三卷十一頁云：無害尋云何？答：於諸害尋，思惟過患，謂此害尋，是不善法，諸下賤者，信解受持。一切如來，及諸弟子賢貴善士，共所詆厭。能為自害，能為他害，能為俱害。能滅智慧，能礙彼類，能障涅槃。受持此法，不生通慧，不引菩提，不證涅槃。如是思惟諸害尋過患時，諸心尋求，徧尋求，近尋求，心顯了，極顯了，現前顯了，推度攝思，思惟分別，名無害尋。復次為斷害尋，於無害尋，思惟功德，謂無害尋，是勝善法，是尊勝者，信解受持。一切如來，及諸弟子賢貴善士，共所稱讚。不為自害，不為他害，不為俱害。不滅智慧，不礙彼類，不障涅槃。受持此法，能生通慧，能引菩提，能證涅槃。如是思惟無害尋功德時，諸心尋求，乃至分別，名無害尋。復次思惟害尋，如病如癰，如箭惱害，無常苦空非我，轉動勞倦羸羸，是失壞法，迅速不停，衰損非恆，不可保信，是變壞法。如是思惟諸害尋時，諸心尋求，乃至分別，名無害尋。復次為斷害尋，思惟彼滅是滅，是離，思惟彼道是道，是真出離。如是思惟彼滅道時，諸心尋求，乃至分別，名無害尋。復次思惟悲心定，及道，悲心定相應，無想定，滅定，擇滅，如是思惟時，諸心尋求，乃至分別，名無害尋。復次思惟無害，及無害相應受想行識，及彼等起身語業，心不相應行時，諸心尋求，乃至分別，名無害尋。

【無量相】如六相中說。

【無量界】瑜伽五十六卷十頁云：云何無量界？謂總彼二，名無量界。如佛世尊於惡及聚喻中說：我於諸界，終不宣說界有邊際。

【無量想】如想自性中說。

二解 集論一卷五頁云：何等無量想？謂能了空無邊處識無邊處想。三解 集異門論六卷十三頁云：無量想云何？答：作意思惟廣大諸色，其量無邊，謂或思惟青瘀，廣說如前，是名無量想。

【無量法】品類足論六卷十一頁云：無量法云何？謂若法，果及異熟俱無量。

二解 品類足論六卷十四頁云：無量法云何？謂無量信，無量欲，無量勝解，及彼相應法，彼俱有法，若諸色法，多廣無邊無際無量，若擇滅，是名無量法。

【無漏界】瑜伽五十二卷十七頁云：若出世間諸法生已，即便隨轉，當知由轉依

力所任持故。然此轉依，與阿賴耶識，互相違反，對治阿賴耶識。名無漏界，離諸戲論。

【無漏】 成唯識論十卷十二頁云：諸漏永盡，非漏隨增，性淨圓明故名無漏。界是藏義。此中含容無邊希有大功德故。或是因義。能生五乘世出世間利樂事故。三解 法蘊足論九卷二十四頁云：云何無漏界？謂無漏五蘊及虛空，擇滅，非擇滅，是名無漏界。

【無漏法】 俱舍論一卷三頁云：無漏云何？謂聖道諦，及三無為。何等爲三？虛空二滅，二滅者何？擇，非擇滅。此虛空等三種無爲，及道聖諦，名無漏法。所以者何？諸漏於中，不隨增故。

二解 品類足論六卷四頁云：無漏法云何？謂二處少分。

【無漏種】 成唯識論二卷九頁云：諸無漏種，非異熟識性所攝故；因果俱是善性攝故；唯名爲善。若爾，何故決擇分說二十二根，一切皆是異熟種子，皆異熟生？雖名異熟，而非無記。依異熟故名異熟種。異性相依，如眼等識，或無漏種由熏習力，轉變成熟，立異熟名。非無記性所攝異熟。

【無漏色】 品類足論八卷五頁云：無漏色云何？謂若諸色，無漏無取，於此諸色，若過去，若未來，若現在，或欲或食或瞋或癡，或隨一，一心所隨煩惱，應生時不，生是名無漏色。

【無漏樂】 瑜伽三十五卷二十頁云：無漏樂者，學無學樂。

【無漏見】 大毗婆沙論九十七卷十三頁云：云何無漏見？答：除盡無生智，餘無漏慧。此復是何？謂現觀邊八無漏忍，及學八智，無學正見。

【無漏智】 大毗婆沙論九十七卷十三頁云：云何無漏智？答：除無漏忍，餘無漏慧。此復是何？謂學無學八智。

【無諍法】 品類足論六卷四頁云：無諍法云何？謂二處少分。

【無諍定】 瑜伽六十九卷十四頁云：復次諸佛如來，於無諍定而不數入。所以者何？有諸衆生勝利益事，由起煩惱，俱時成辦，如來於此勝利益事，不能棄捨。

【無諍行】 大毗婆沙論一百七十九卷六頁云：云何無諍行？答：一切阿羅漢，善達內時，外不如是。若亦善達外時，名無諍行。云何內時？謂自相續中所有煩惱。云何外時？謂他相續中所有煩惱。遮此煩惱，名爲善達。一切阿羅漢，於自相續所有煩惱，皆已遮斷。於他相續所有煩惱，則不決定。若亦能遮，名無諍行。有說：時謂三時。

即日初分，日中分，日後分。於此三時，制諸煩惱，名爲善達。一切阿羅漢，於自相續，三時煩惱，皆已制斷。於他相續，三時煩惱，則不決定。若亦能制，名無諍行。有說：時謂六時。即日夜合初中後分。於此六時，制諸煩惱，名爲善達。一切阿羅漢，於自相續，六時煩惱，皆已制斷。於他相續，六時煩惱，則不決定。若亦能制，名無諍行。尊者妙音說曰：非謂無有自相續中煩惱，諍故名無諍行。但以能遮他相續中煩惱，諍故名無諍行。所以者何？諍是對他之名，非對自故。問：何故遮制煩惱，名爲善達？答：要由方便覺慧，現前方能遮制。自他煩惱，故名善達。無諍名何？法答：令他相續，無雜穢轉。謂諸煩惱，能爲津潤垢膩，雜穢轉。得無諍者，不爲他相續中煩惱之所津潤垢膩，雜穢轉。即是遠離他相續中諸煩惱義。有說：此文應言於他相續，無餘轉。謂得無諍者，如於自相續煩惱，永斷無餘。如是於他相續煩惱，亦能遮制，令無有餘。即是偏遮他相續中應令彼起諸煩惱義。有說：此文應言於他相續，無差別轉。謂得無諍者，如能遮親相續中煩惱，令其不生。如是亦能遮怨及中相續中煩惱，令其不起。即是平等遮止他相續中諸煩惱義。問：善達外時，無雜穢轉，有何差別？答：善達外時，謂慧，無雜穢轉，謂煩惱不起。復次彼阿羅漢，行五種法，令他相續，煩惱不起。何等爲五？一淨威儀路，二應時語嘿，三善量去住，四分別應受不應受，五觀察補特伽羅。淨威儀路者：彼阿羅漢，先一處坐，若他來者，即觀其心，以何威儀，令不起結。若知由此生彼結者，即便捨此，住餘威儀。若不起結，即如本住。先住餘威儀，亦爾。應時語嘿者：彼阿羅漢，見他來時，便觀其意，爲應與語？爲應嘿耶？觀已，若見語起，彼結雖極欲語，即便嘿然。若見由嘿起，彼結者，雖不欲言，而便與語。若涉道路，見二人來，即觀誰應先可與語。觀已，若見與此語時，彼起結者，即與彼語。與彼亦然。若俱與語而起結者，即便嘿然。俱嘿亦爾。若語者嘿，俱起結者，即爲避路，令不起結。善量去住者：彼阿羅漢，隨所住處，即便觀察，我爲應住？爲應去耶？若見住時，起他結者，處雖安隱，資具豐饒，隨順善品，而便捨去。若見由去生他結者，處雖不安，資緣匱乏，不順善品，而便強住。分別應受不應受者：彼阿羅漢，若有施主，以資具施，即觀其心，爲應受？爲不應受？觀已，若見受起，彼結雖是所須，而便不受。若見不受，起彼結者，雖所不須，而便故受。觀察補特伽羅者：彼阿羅漢，爲乞食故，將入城邑里巷他家，觀察此中男女大小，勿有因我起諸煩惱。若知不起，即便入乞食。若知起者，雖復極飢，而便不入。無如是事，爲分別故。假使一切有情，因見我故起煩惱者，我即往一無有情處，斷食而死。終不令他因我起結。彼阿羅漢，修行如

是五種行法，則能遮他相續煩惱，令不現前。問：何故阿羅漢已得解脫，而修此法，自拘縛耶？答：彼阿羅漢，先是菩薩種子，不忍有情造惡受苦，爲拔彼故，恆作是念：我無始來，與諸有情，互起纏縛，輪迴五趣，受諸劇苦。我幸得免，復應救彼。又作是念：我無始來，或作倡妓，或姪女等，鄙穢之身，百千衆生，於我起結，尙由此故，長夜受苦。況我今者，離貪嗔癡，爲世福田，於我起結，而不招苦，故我今者，不應復作煩惱因緣。故阿羅漢，雖自解脫，而爲有情，起無諍行。問：彼爲遮他自相煩惱，爲共相耶？答：惟自相可遮，非共相。所以者何？共相煩惱，隨其所應，一時總緣一界一地一處一類一所得身，執我我所，或執斷常，或撥爲無，或執第一，或執能淨，或起猶豫，無明，不了一切有情，恆住運起，不可遮止，是故惟遮自相煩惱。問：無諍行，自性云何？爲是定？爲是慧？耶？設爾，何失？若定者，此文云何？通如說：善達外時，名無諍行。善達是慧，若定無諍，耶？答：彼應說應習靜慧無諍，而說應習靜定無諍者，欲顯與定俱，故名定。而實是慧，是名無諍自性。如自性，我物等亦爾。已說自性，所以今當說。問：云何名無諍行？答：此行能對治他煩惱，故名無諍行。然諍有三：一、煩惱諍，二、蘊諍，三、調諍。煩惱諍者，謂百八煩惱。蘊諍者，謂死。調諍者，謂諸有情，互相凌辱，言語相違。應知此中說煩惱諍，爲遮有情起煩惱，故復有說者，由此能令自他諍無，故名無諍行。即是善修無我義，如彼廣說。

二解 發智論十八卷十七頁云：云何無諍行？答：一切阿羅漢善達內時，外不如是，若亦善達外時，名無諍行。無諍名何？法答令他相續無雜穢轉。

【無事緣】 如煩惱緣境有十五種中說。

【無緣緣】 如煩惱緣境有十五種中說。

【無重障】 如薄塵行補特伽羅相中說。

【無解愚】 如四種無明中說。

【無罪法】 法蘊足論七卷十三頁云：云何無罪法？謂三妙行，三善根，十善業道，是名無罪法。

二解 品類足論六卷九頁云：無罪法云何？謂善及無覆無記法。

【無果法】 品類足論六卷十二頁云：無果法云何？謂無爲法。

【無難法】 品類足論六卷十三頁云：無難法云何？謂無爲法。

【無阻量】 如言過中說。

【無見法】 品類足論六卷四頁云：無見法云何？謂十一處。

【無對法】 品類足論六卷四頁云：無對法云何？謂二處。

【無尋法】 品類足論六卷十頁云：無尋法云何？謂尋不相應法。

【無伺法】 品類足論六卷十頁云：無伺法云何？謂伺不相應法。

【無喜法】 品類足論六卷十一頁云：無喜法云何？謂喜根不相應法。

【無喜足】 品類足論六卷十三頁云：於少下劣差別所證進修善中，無怯劣故，名無喜足。

喜足。

【無退慧】 瑜伽八十三卷五頁云：無退慧者，謂即圓滿慧，成無退法，究竟出離。

【無差別】 瑜伽八十三卷七頁云：無差別者，師與弟子，所說文義，相滋潤故，不相違故。

【無縱逸】 瑜伽八十三卷十三頁云：無縱逸者，謂於欲等尋思惡法，防護心故。又於善中，自安處故。

【無愁憂】 瑜伽八十三卷二十一頁云：無愁憂者，謂超過一切愛非愛故。又證得已，無失壞故。

【無現觀】 瑜伽八十四卷二十頁云：無現觀者，於如實證，不由他緣。

【無因論】 瑜伽八十九卷十六頁云：施設無因論者，謂如有一起如是見，立如是論。若有士夫補特伽羅諸所領受，當知一切無因無緣。

【無餘罪】 瑜伽一百卷二頁云：他勝罪，名無餘罪。

【無願行】 顯揚二卷十七頁云：無願行者，謂無常苦不淨如病如癰如箭因集生緣行。又云：緣智無願道，作道如行，出行此亦是無願行。

【無倒義】 瑜伽七十七卷九頁云：與顛倒義相違，能對治彼，應知其相。

【無障礙】 瑜伽十五卷八頁云：無障礙者，復有四種：一、非覆障所礙，二、非隱障所礙，三、非映障所礙，四、非惑障所礙。覆障者，謂黑暗，無明暗，不澄清，色暗所覆。

障，隱障者，謂或藥草力，或咒術力，或神通力，之所隱障。映障者，礙者爲少小物，爲廣多物之所映奪，故不可得。如飲食中藥，或復毛端，如是等類，無量無邊。且如小光，大光所映，故不可得。所謂日光映星月等，又如月光映奪衆星，又如能治映奪所治，令不可得。謂不淨作意，映奪淨相，無常苦無我作意，映奪常樂我相，無相作意，映奪一切衆相。惑障所礙者，謂幻化所作，或色相殊勝，或復相似，或內所作，目眩惛夢，悶醉，放逸，或復顛狂，如是等類，名爲惑障。若不爲此四障所礙，名無